

Na osnovu člana 20a. Stav (4) Zakona o radu (Službene novine Federacije FBiH» broj 26/16 i 89/18), člana 8. Uredbe o postupku prijema u radni odnosu u javnom sektoru na teritoriji Kantona Sarajevo («Službene novine KS broj:19/21 ,10/22 i 28/23 i 32/24) i Odluke o imenovanju Komisije broj: 05/323 od 05.09.2024.godine Komisija donosi,

POSLOVNIK O RADU KOMISIJE ZA PROVOĐENJE PROCEDURE JAVNOG OGLAŠAVANJA ZA PRIJEM RADNIKA

I OPŠTE ODREDBE

Član 1. (Predmet)

Ovim poslovnikom uređuje se način rada i odlučivanja Komisije za provođenje javnog oglasa za prijem radnika i to: vozač trolejbusa, vozač minibusa, vozač autobusa i vozač tramvaja

Član 2. (Načela)

Rad Komisije zasniva se na načelima zakonitosti, nezavisnosti, nepristrasnosti, objektivnosti, efikasnosti i javnosti.

II KOMISIJA

Član 3. (Sastav Komisije)

- (1) Komisija broji najmanje tri člana i ima neparan broj članova.
- (2) Članovi Komisije moraju imati najmanje isti stepen stručne spreme kao i kandidat za čiji je prijem u radni odnos objavljen javni oglas.
- (3) Administrativno tehničke poslove za Komisiju obavlja sekretar koga imenuje poslodavac.

Član 4. (Izuzeci članova Komisije)

- (1) Član Komisije koji je srodnik nekog od prijavljenih kandidata u pravoj ili pobočnoj liniji do četvrtog stepena i u tazbinskoj liniji do drugog stepena, bračni ili vanbračni partner, usvojlac ili usvojenik, će odmah ili najkasnije dva dana od dana saznanja za razloge izuzeća zatražiti izuzeće od rada u Komisiji.
- (2) Po zahtjevu za izuzeće iz stava (1) ovog člana poslodavac donosi odluku o izuzeću najkasnije u roku od 3 dana od dana podnošenja zahtjeva, a protiv ove odluke žalba nije dozvoljena.
- (3) U slučaju da član Komisije iz opravdanih razloga (bolest ili slično) ne može nastaviti dalji rad u Komisiji, odlukom direktora vrši se popunjavanje Komisije novim članom.
- (4) Aktivnosti Komisije će biti nastavljene po imenovanju novog člana Komisije.

Član 5. (Način rada Komisije)

- (1) Komisija obezbjeđuje poštivanje odredaba Zakona o radu, Uredbe Vlade KS, Pravilnika o radu i drugih zakonskih i podzakonskih propisa kojima je regulisan prijem kandidata u radni odnos putem javnog oglasa.
- (2) Članovi Komisije i sekretar, na konstituirajućoj sjednici Komisije, potpisuju izjavu o nepristrasnosti, povjerljivosti i nepostojanju sukoba interesa, kojom potvrđuju da su upoznati sa obavezom da tokom cijelog postupka rada u Komisiji su dužni prijaviti sukob interesa i tražiti izuzeće iz rada u Komisiji, iz razlog propisanih u članu 10. stav (1) Uredbe o prijemu.
- (3) Komisija obavezno radi u punom sastavu , te odlučuje o svim pitanjima iz svoje nadležnosti većinom glasova.
- (4) Sastanci Komisije se održavaju na zahtjev predsjednika koji vodi sastanke i potpisuje svu potrebnu dokumentaciju.
- (5) O svom radu Komisija vodi Zapisnik, koji je sastavni dio dokumentacije, a isti potpisuju predsjednik, članovi Komisije .

III POSTUPAK PROVOĐENJA

Član 6.

(Postupanje Komisije po pristiglim prijavama)

- (1) Po isteku roka za podnošenje prijave na javni oglas, Komisija pregleda sve pristigle prijave i dostavljene dokaze, utvrđuje njihovu ispravnost i sastavlja spisak kandidata među kojima se provodi izborni postupak.
- (2) Spisak kandidata iz stava (1) ovog člana potpisuju svi članovi Komisije.
- (3) Komisija pisanim putem obavještava kandidate čija dokumentacija nije ispravna odnosno nepotpuna i neblagovremena da nisu na spisku kandidata među kojima se provodi izborni postupak, sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana od dana prijema obavijesti.
- (4) Kandidati čije prijave su konstatovane kao ispravne, putem web stranice preduzeća će biti obaviješteni o danu pristupa na pismeni i usmeni dio ispita.

Član 7.

(Način provjere znanja i testiranje)

- (1) Postupak izbora kandidata za radna mjesta vozač trolejbusa, vozač minibusa, vozač autobusa i vozač tramvaja se vrši kroz pismeni, usmeni i praktični dio ispita.
- (2) Pismeni ispit kandidata se vrednuje sa 60% bodova, usmeni ispit (intervju) se vrednuje sa najviše 20% bodova i praktični dio se vrednuje sa najviše 20% bodova.
- (3)

Član 8.

(Provođenje pismenog ispita)

- (1) Pismeni ispit provodi Komisija nakon što je utvrdila da kandidat ispunjava formalno-pravne uslove iz javnog oglasa i da je priložena dokumentacija potpuna i ispravna.
- (2) Pitanja, listu propisa i literature iz oblasti iz koje će se polagati pismeni i usmeni ispit utvrđuje poslodavac i objavljuje na web stranici, a sve u skladu sa radnim mjestom i zanimanjem kandidata, kao i prema prirodi samog posla.
- (3) Komisija sačinjava spisak od 6 pitanja koja će biti predmet pismenog testiranja iz oblasti radnog mjesta i zvanja za koji se provodi procedura prijema, koja će biti ponuđena na način da imaju više odgovora od kojih je samo jedan tačan.
- (4) Pitanja na pismenom ispitu Komisija priprema 2 sata prije započinjanja testa, umnožava u dovoljan broj primjeraka.
- (5) Komisija obavještava kandidate putem web stranice preduzeća o terminu provođenja pismenog ispita.
- (6) Pismeni ispit traje 1 (jedan) školski čas od 45 minuta.
- (7) Za svaki tačan odgovor kandidat dobija od 0-10 bodova, što znači da kandidat na pismenom ispitu može osvojiti maksimalnih 60 bodova.
- (8) Nakon pismenog ispita kandidati pristupaju usmenom djelu ispita, gdje će im biti omogućen uvid u pismeni dio ispita, kao i saopšten termin održavanja praktičnog dijela ispita.

Član 9.

(Usmeni dio ispita/intervju)

- (1) Komisija prilikom usmenog ispita(intervju) obavlja razgovor sa svakim kandidatom pojedinačno u vremenskom trajanju od 5 do 10 minuta. Komisija radi po principu postavljanja pitanja iz objavljene oblasti , komentiranju određenih situacija i događaja a sve u vezi predviđenih radnih zadataka određenog radnog mjesta za koji se raspisuje oglas.
- (2) Ocjena intervju obuhvata stepen znanja iz oblasti navedenih u pitanjima za predviđeno radno mjesto, motiviranost kandidata za radni angažman i opći dojam o kandidatu.
- (3) Svaki član Komisije učestvuje u intervju i ocjenjuje kandidata sa ocjenom od 1 do 5 za svako pitanje a ukupni zbir može da bude 20 bodova.
- (4) Rezultat intervju će biti zbir bodova koji su dali svi članovi podijeljen sa brojem članova Komisije za izbor.

Član 10.

(Praktični dio ispita)

- (1) Praktični dio ispita će se obaviti u javnom saobraćaju gdje će svaki član komisije vršiti ocjenu vještine upravljanja vozilom, te ponašanje vozača tokom vožnje.
- (2) Kandidat na praktičnom dijelu ispita može osvojiti maksimalno 20 bodova.

Član 11.
(Lista uspješnih kandidata)

- (1) Komisija nakon utvrđenih bodova na pismenom ,usmenom /intervju i praktičnom dijelu ispita pristupa dodatnom bodovanju kandidata po osnovu utvrđene prednosti na osnovu posebnih propisa i to Zakona o dopunskim pravima boraca- branitelja (« Službene novine KS» broj: 45/12, 26/14, 46/17, 18/19, 20/20, 24/20 i 18/21), Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo («Službene novine KS» broj: 37/20 i 27/21) i Instrukcije o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarjevo, Gradu Sarajevo i općinama u Kantonu Sarajevo («Službene novine KS» broj: 38/20 i 28/21).
- (2) Komisija na osnovu utvrđenih bodova na pismenom , usmenom i praktičnom dijelu ispita i utvrđene prednosti po osnovu posebnih propisa iz stava 1. ovog člana, sačinjava Listu uspješnih kandidata.
- (3) Ukoliko dva ili više kandidata budu imali isti broj bodova prednost će se dati kandidatu koji stiče pravo na prednost po posebnim zakonima, a ukoliko i tada budu dva ili više kandidata po istim kriterijima sa istim brojem bodova prednost će se dati kandidatu koji je dobio veću ocjenu na praktičnom dijelu ispita po članovima Komisije.
- (4) Komisija je dužna Listu uspješnih kandidata sa bodovima dostaviti poslodavcu u roku od tri dana nakon obavljenog praktičnog dijela ispita.

IV PRELAZNE I ZAVRŠNE ODREDBE

Član 12.
(Stupanje na snagu)

Ovaj Poslovnik stupa na snagu danom donošenja i primjenivat će se do okončanja konkursne procedure i potpisivanja ugovora o radu sa izabranim kandidatima.

Broj: 2359 / 2
Datum: 09-09-2024

Predsjednik Komisije

Lejla Imamović

Ovaj Poslovnik objavljuje se na web stranici preduzeća i ostaje na istoj do okončanja konkursne procedure odnosno do potpisivanja ugovora o radu sa izabranim kandidatima.